

1833.5/5

21.01

GODINA I  
22.  
DECEMBAR  
1981.  
BROJ 1

# olovske novine

LIST SOCIJALISTIČKOG SAVEZA RADNOG NARODA OLOVO

DRUŽE TITO  
MI TI SE  
KUNEMO,  
DA SA TVOGA  
PUTA  
NE SKRENEMO

U SUSRET PROSLAVI 600-GODIŠNJICE POSTOJANJA OLOVA

## 1982 – GODINA VELIKOG JUBILEJA



Šest stotina godina u životu jednog mjesta znači generacije anonimnih pregalaca koji su izdržali sve bure vremena i kontinuitet tkanja jedne budućnosti u koju se uvijek vjerovalo i kojoj su potonje generacije stizale.

Olovljani 1982. godinu dočekuju spremniji nego ikad – tada će proslaviti 600-godišnjicu trajanja ovoga mjesta, nekadašnje prvobitne naseobine Sasa, Dubrovčana, Zadrana, Korčulana i Splitsana koji te daleke 1382. godine dođoše na obale Bioštica da kopaju površinsku rudu olova i srebra i da tako ovo mjesto



Na putu stalnog stasanja – panorama Olova

uđe u hroniku, a čitav kraj dobije novo obličje.

Prvo javljanje ovog imena, kako bilježi hroničar, imamo u doba velikog bosanskog vladara kralja Tvrtka – upravo sa kopanjem olovske rude.

Olovo, međutim, narastajući stoljećima, svoju budućnost nije zasnivao samo na olovu i srebru, jer je eksploatacija trajala sve do XVII vijeka, kada je ova ruda služila jednima za bogaćenje a drugima za puščane obračune, ali uvijek strancu – ugnjetaču i eksploatatoru.

Vrijeme se potonjih nekoliko decenija, decenija u slobodi okrenulo čovjeku,

njegovim potrebama i rodilo – čudo. Čudo na svakom koraku, čudo u čovjeku-stvaraocu.

Godine slobode donosile su plodove po kojima su stoljeća bila nesrazmjerna jednom planskom petoljeću u socijalističkom samoupravnom rastu naše ukupne zbratimljene zajednice naroda i narodnosti.

Stoga 1982. dočekujemo ogromnim potencijalima u kompleksu prerade, trgovine, trikotaže, školstva, zdravstva, društvenim djelatnostima, rudarstvu. Vrijeme je, očito, obrnulo tok – čovjek je uvijek pronašao prave mogućnosti za svoje vlastite domete.

1  
1981;  
67.2

UZ PRVI BROJ »OLOVSKIH  
NOVINA«

### LIST – KAO NAŠA TRIBINA

»Nemoguće je zamisliti pravilno i dobro funkcionisanje delegatskog sistema niti razvoj i jačanje samoupravljanja, bez jakih sredstava informisanja. Njima, kako onim glavnim, tako i svim ostalim: tvorničkim, lokalnim i regionalnim, moramo posvetiti najveću pažnju«  
— TITO

Govoreći o informisanju mi zapravo govorimo o nasušnoj potrebi radnog čovjeka i građanina naše socijalističke samoupravne zajednice da sazna sve elemente jedne situacije, jednog događaja i jednog htijenja i da, spoznavši ih, prema njima upravi svoju svijest s ciljem da doprinese da radnička klasa – samoupravnim putem – ispolji svoju volju i svoju vlast.

O smislu i ciljevima informisanja rečeno je mnogo, što ne znači da je sve i dorečeno. Neće ni biti, sve dok informisanje kao sistem ne postane stvarnost, što znači svakodnevno ponašanje svih koji su po ZUR-u zaduženi da se bave pronalaganjem novih, adekvatnijih metoda informisanja koje bi omogućile objektivnu, blagovremenu, cjelovitu i svakom radniku i građaninu razumljivu informaciju. A to su sve subjektivne snage ovog društva – počev od društveno-političkih organizacija i organa upravljanja do poslovnih, kolegijalnih i inokosnih organa u svim radnim kolektivima. Pritom je potrebno poći

od pitanja da li nam je razvijena adekvatna aktivnost u cilju razvijanja svijesti o odgovornosti radnika i građana za sopstveno informisanje, kao preduslova da se mogu kvalifikovano angažovati u radu samoupravnih organa u osnovnoj organizaciji udruženog rada, mjesnoj zajednici, društveno-političkim organizacijama i delegatskim skupštinama.

Informisanje dakle, kao konstitutivni element političkog sistema socijalističkog samoupravljanja, postaje bitan preduslov osposobljavanja radnih ljudi i građana za kvalifikovano učešće u procesu pripremanja, donošenja i provođenja poslovnih i delegatskih odluka. Da li neobavješten i neinformisan radnik ili građanin može zauzimati kvalifikovane stavove i utvrđivati smjernice za svoju aktivnost u vlastitoj radnoj sredini, mjesnoj zajednici, delegaciji i delegatskoj skupštini? U kojoj mjeri je obezbijeđeno da radni čovjek i građanin ne bude samo objekat sistema informisanja, nego i da sam informiše, nesmetano iznosi svoje stavove, mišljenja i prijedloge. Ovo naročito važi za rad delegata i delegacija i njihovu ulogu u procesu samoupravnog sporazumijevanja i dogovaranja. U tom procesu delegati nisu »kuriri« delegatske baze, nego stvaralačke kreativne ličnosti.

Zato je, polazeći od opšte ocjene da sadašnji nivo i kvalitet informisanja na Opštini nije adekvatan svojoj funkciji a još manje zadovoljavajući, i pokrenuta široka društveno-politička aktivnost na ustanovljenju informativne djelatnosti na našoj komuni, u prvom redu Socijalističkog saveza kao nosioca na unapređenju informisanja u funkciji delegatskog sistema.

Rezultat tih napora su evo ove novine pred vama.

Istinska nam je želja da »Olovske novine« budu uistinu tribina radnih ljudi i građana opštine Olovo, dakle naš list i da tako doprinese objektivnom, blagovremenom i cjelovitom informisanju. Stoga pozivamo sve čitaoce (a to su svi žitelji ove komune, jer se list dostavlja besplatno svakom domaćinstvu), da budu saradnici angažovanim kritičkom, prijedlogom, uvijek u izvornom značenju istine – s jednim jedinim ciljem da se potpuno rasvijetle naši problemi i iznadu prava rješenja.

U tom smislu list vam široko otvara svoje strane i izražava punu spremnost da se vaš prilog nađe u odgovarajućoj rubrici našeg glasila.

Redakcija

### ČETIRI DEGENIJE JNA

## ARMIJA JE – NAROD

Četiri ratne godine ispunjene neprekidnim borbama za oslobođenje zemlje i tridesetšestogodišnja mirnodopska izgradnja oružanih snaga dijale nas od 22. decembra 1941. godine, kada se s ponosom zbrajaju rezultati postignuti u jačanju našeg odbrambenog stroja, ne možemo a da se ne prisjetimo istorijske 1941. Rudog, prve proleterske jedinice naše Narodnooslobodilačke vojske.

U tom malenom bosanskom gradiću, na tlu okupirane Evrope, rodila se Prva proleterska brigada, brigada bratstva i jedinstva, sposobna da se bori na cijelom jugoslovenskom ratištu. Bila je to preteča nove, revolucionarne armije koja će narasti i kaliti se na putevima ratnim, u okršajima i ofanzivama.

Radanje tako snažne armije, kao što je bila NOVJ izuzetna je pojava u drugom svjetskom ratu. Čovjek, pod čijom je rukom nastajala i stasala do onog što jeste, drug Tito, često je isticao da je Armija djelo svih naših naroda i narodnosti. »Naša armija je počela da se stvara naročitim načinom, ne kroz kabinete, ne dekretima, ne velikim finansijskim sredstvima, ne nekim velikim vojnim stručnjacima, teoretičarima, nego se počela stvarati od običnog – čovjeka, običnog seljaka, običnog radnika, običnog pravog narodnog intelektualca, od narodne inteligencije. Stvarati se počela u najtežim danima naše historije, u 1941. godini. Ljudi koji su postali tako reći temelj te naše armije došli su od plugova, iz fabrika, iz školskih klupa. Baš u tome i jeste snaga te armije što se od prvog dana sastojala iz takvih ljudi. Takvi ljudi su bili ne samo obični redovi, nego i podoficiri, oficiri, do onih najviših. I ja sam bio radnik«. Tim riječima je maršal Tito ocrtao nastajanje i razvoj Jugoslovenske narodne armije. Nju je, dakle, narod iznjedrilo. Narod je takvu armiju i njegovao. U tome i jeste njena najveća snaga.

Prošlo je otad 40 godina. Godine borbe i izgradnje, godine zaštite zemlje od raznih nasrtaja. Armija je kao i u ratu, ostala armija bratstva, sloge i jedinstva. Svaka njena kasarna je Jugoslavija u malom. Ona je moralno-politički, stručno, kadrovski i tehnički organizovana tako da predstavlja okosnicu sistema opštenarodne odbrane, kao svojevrsna organizacija Marksovog »naoružanog naroda«. To je proces koji neprekidno traje. Tako se stvaraju uslovi da se, u slučaju ratne opasnosti, angažuju svi raspoloživi ljudski i materijalni potencijali, da zemlju brani sav narod, da svaki sposoban građanin bude vojnik. Kako je to rekao drug Tito u jednoj prilici, u slučaju da bude napadnuta, Jugoslavija bi se svakom agresoru suprotstavila armijom od preko osam miliona ljudi. Tu činjenicu ne smije i ne može niko da previdi.

Tanjug

Radnim ljudima i građanima olovske komune, svim svojim čitaocima

Želimo SRETNU NOVU, 1982. GODINU

1431/82











SA SVEČANE SJEDNICE POVODOM DANA JNA U OLOVU

# ARMIJA — SRCE NARODA

Povodom Dana JNA dodijeljena priznanja najboljim jedinicama i pojedincima

● O rezultatima i razvoju ONO i DSZ na području komune govorio Milenko Vuković, predsjednik OK SK Olovo

U olovskom Domu kulture na svečan način je održana Akademija posvećena 22. decembru — Danu oružanih snaga Jugoslavije, kojoj su, pored članova Savjeta narodne odbrane, prisustvovali i predstavnici društveno-političkih, društvenih i radnih organizacija, a kao gost sjednici je prisustvovalao Muriz Hašimović, predstavnik Zonskog štaba teritorijalne odbrane.

Sve prisutne goste pozdravio je predsjednik Savjeta za narodnu odbranu Radoje Perić, a potom je o razvoju oružanih snaga Jugoslavije i rezultatima u daljoj dogradnji i razvoju opštenarodne odbrane i društvene samozaštite na olovskoj komuni govorio Milenko Vuković, predsjednik OK SK Olovo.

čavanja pripadnika svih komponenata ONO. U te svrhe izdvojeno je u ovoj godini i preko 8 miliona dinara.

Na kraju izlaganja Vuković je podvukao da se moraju razviti takvi oblici aktivnosti kojima će svaki čovjek i svaka organizacija znati svoje mjesto i zadatak, jer u ukupnoj aktivnosti ne smije biti neraspoređenih i neosposobljenih za ONO i DSZ.

Ovom prilikom najistaknutijim pojedincima i organizacijama uručene su zahvalnice i pohvale. Prigodan kulturno-zabavni program izveli su učenici OŠ «Daniel Ozmo» i recitatorska sekcija SŠC «25. maj», a na kraju je prikazan domaći ratni film «Partizanska eskadrila».



Prelaznu zastavicu u ime čete ONO i DSZ Mjesne zajednice Olovo primio Osman Bešlić

tovosti i učvršćenju moralno-političkog jedinstva, pohvalio je Nijaza Karahmetovića, Muradifa Alispahića i Ibrahima Karasalihovića.

Savjet za NO opštine Olovo za postignute rezultate u obuci pohvalio je četvu ONO i DSZ Mjesne zajednice Careva Čuprija i Opštinski štab civilne zaštite Olovo, te pojedince: Milivoja Grubačića, Jovu Nikolića, Ratka Višnjica, Đuru Trifunovića, Ismeta Gurdu, Envera Hadrovića, Peru Divljanovića, Anđelka Nedića, Adila Karičića, Borku Pejanović, Taiba Mulića, Omera Husarića, Aliju Beleta, Ibru Đulovića, Safeta Hadžabiđića, Boru Pupovića, Sretu Pantića, Nijazu Mujakovića, Slobodana Nikolića, Zijada Ramića, Izeta Hadžabiđića, Petra Đerića, Rifeta Sokolara, Aliju Zukića, Refika Helju, Vladu Ivanovića, Fikreta Kučanina, Kasima Hadžabiđića, Akifa Doljančića, Fadila Kulića, Himzu Ibrahimovića, Sifeta Bolića i Refika Gušića.

### Najbolja jedinica

Na osnovu postignutih rezultata u akciji «Biram najbolju jedinicu», Opštinski štab TO proglasio je za najbolju jedinicu teritorijalne odbrane u 1981. godini četvu ONO i DSZ Mjesne zajednice Olovo, kojoj je uručena prelazna zastavica.

Pohvale Opštinskog štaba TO dobili su: Marija Zekić, Ibrahim Merdan, Ramo Abazović, Vejsil Pašalić, Fehim Berisalić, Sabahudin Hadžabiđić, Mirsada Zukić, Ismet Milunić, Osman Pašalić, Smajo Alispahić, Božidar Trifunović, Slobodan Zekić, Ohran Hadžabiđić, Mirsad Kehić, Rifet Sokolar izet Beridan, Rade Đorojević, Ivica Bartolović, Semiz Krekić, Hasib Kehić, Asim Dedić, Sehveta Sirčo, Hasan Krekić, Asif Bolić, Sulejman Hodžić, Hasib Kolak, Milan Đokić, Relja Bunijevac, Esed Hasanspahić, Milena Marjanović, Ahmet Kopic, Suno Kladančić i Jusuf Hadrović.

Pored pohvala u viši čin unaprijeđeno je više pojedinaca, pripadnika jedinica TO, ONO i DSZ.

Z. Đ.

VRIJEDNA PRIZNANJA MJESNIM ZAJEDNICAMA I POJEDINCIMA

# SAVEZNA POVELJA — SOLUNU

Imajući pred sobom pozitivna iskustva i rezultate organizovanih društvenih akcija takmičenja mjesnih zajednica, te u skladu s okvirnim dogovorom o zajedničkim osnovama, ciljevima i zadacima takmičenja mjesnih zajednica na realizaciji srednjoročnih planova 1981 — 1985. godina, i ove godine mjesne zajednice naše komune aktivno su se uključile u program takmičenja, i na tom polju postigle veoma zapažene rezultate.

Osnovni akcenat u takmičenjima stavljen je na one sadržaje koji najviše doprinose ostvarivanju ustavne uloge mjesnih zajednica, posebno u oblasti daljeg razvoja samoupravnih odnosa i izgrađivanja samoupravne strukture mjesne zajednice, oživotvorenju mjesne zajednice kao humane zajednice i proširene socijalističke porodice, te ONO i DSZ. Pored toga, vrednovani su i rezultati postignuti u ostvarivanju programa zapošljavanja u našoj republici, pripremi i organizovanju XIV olimpijskih igara i otklanjanju posljedica zemljotresa i drugih elementarnih nepogoda.

Na osnovu prijedloga OK SSRN, Sekretarijat Sekcije RK SSRN SR BiH za razvoj samoupravnih socijalističkih odnosa u mjesnoj zajednici, predložio je najbolje mjesne zajednice i aktiviste za dodjelu priznanja RK SSRN i Savezne konferencije SSRN Jugoslavije.

Tako je za izuzetne rezultate mjesna zajednica Solun predložena za Savezno priznanje — Povelju SSRN Jugoslavije, mjesna zajednica Klinčići za Povelju RK SSRN BiH, mjesna zajednica Olovske Luke za Plaketu RK SSRN BiH, te pojedinci Fehim Hasanspahić iz Soluna i Srpkio Ostojić iz Olovskih Luka za Plaketu RK SSRN BiH. Priznanja će biti uručena 25. decembra. Redakcija se pridružuje čestitkama.



Zahvalnica RŠTO — Radoju Periću, predsjedniku SO Olovo

Vuković je između ostalog istakao da su u godini kada slavimo 40-godišnjicu Titove Armije, radni ljudi i građani olovske komune postigli zavidne rezultate i tom velikom jubileju dali svoj puni doprinos. Uspješno je realizovana programirana aktivnost na planu popune, opremanja i obuke u svim strukturama opštenarodne odbrane, što je dalo nove rezultate u borbom osposobljavanju jedinica. Takvi rezultati postignuti su prije svega zahvaljujući moralnoj svijesti i jedinstvu radnih ljudi i građana opštine. U protekloj godini bilo je izvanredno velikih akcija, napora i ulaganja u cilju vlastitog osposobljavanja, opremanja, organizovanja i obu-

### Zahvalnice

Pismene zahvalnice Republičkog štaba TO SR BiH, dodijeljene su UPI — RO «Jedinstvo» i predsjedniku Skupštine opštine Radoju Periću. Ovo priznanje dodjeljuje se za doprinos u ostvarivanju ukupnih rezultata koncepcije ONO i DSZ.

### Pohvale

Za primjerno zalaganje u izvršavanju postavljenih zadataka i postignute rezultate u radu na funkcionalnim dužnostima, RŠ TO SR BiH, dodijelilo je pohvalu Čedomiru Pejiću.

Zonski štab TO Sarajevo za rezultate u jačanju borbene go-

## ARMIJI

Armijo naša, ti si ponosna —  
Zato te volimo mi.  
Armijo naša, ti si starena —  
dobro nas braniš ti.  
Armijo naša, veliki čuvaru  
naše istorije.  
Velika ti hvala — vodo  
čvrste Jugoslavije.

Nermira Karasalihović IIIa

**REDAKCIJI LISTA «ROMANIJA»,  
UZ ŽELJE ZA USPJEŠNU I  
SRETNU NOVU 1982. GODINU**

zahvaljujemo

**NA ČESTITKAMA POVODOM  
IZLASKA PRVOG BROJA  
«OLOVSKIH NOVINA»**

**REDAKCIJA**

olovske novine

Izdaje: Centar za kulturu, obrazovanje i informisanje Olovo, Slaviše Vajnera Čiče 23. Telefon (071) 825-479.

Savjet za informisanje: Idriz Pašalić, Miroslav Žugić, Mato Vijačić, Zineta Hadrović, Samojko Žugić, Nedžad Bajić, Ljubomir Medić, Rade Pantić, Šefko Jamaković, Dušan Žugić, Fikreta Kučanin, Jasmina Jamaković, Stjepan Bruža, Redakcijski odbor: Ramo Džinić, Vida Gradinčić, Osman Hodžić, Mira Ignjatović, Emin Cerić, Nada Gudeljević, Stjepan Bruža, Raza Gušić, Zvonimir Đorđević.

List izlazi jedanput mjesečno. Tiraž 4.000 primjeraka. List se dostavlja svakom domaćinstvu na opštini — besplatno. Glavni i odgovorni urednik STJEPAN BRUŽA

18335/6

Примерак

GODINA I  
28  
JANUAR  
1982  
BROJ 2

# olovske novine

LIST SOCIJALISTIČKOG SAVEZA RADNOG NARODA OLOVO

DRUŽE TITO  
MI TI SE  
KUNEMO,  
DA SA TVOGA  
PUTA  
NE SKRENEMO

IZ SKUPŠTINE  
OPŠTINE OLOVO

## NOVI STATUT BOGATJI SADRŽAJ

U ovom temeljnom dokumentu komune, o kome je u dvogodišnjoj demokratskoj javnoj raspravi dato i usvojeno više konstruktivnih prijedloga, do kraja prihvaćena Titova inicijativa o kolektivnom radu i odgovornosti i jednogodišnjem mandatu

Uoči Nove, 1982. godine usvojen je novi statut Opštine Olovo. Njegovu promjenu nametnula je razvijenost društveno-ekonomskih odnosa u našem društvu, otud i u našoj komuni. Usvojen, naime, u periodu donošenja novog Ustava iz 1974. godine, ovaj dokument ostao je pretijesan da prati i reguliše sve pozitivne promjene naše stvarnosti. Tu promjenu statuta opština nalagala je i Titova inicijativa o kolektivnom radu i odgovornosti, koja je ugrađena i u amandmane na ustave SFRJ i SR BiH.

Donošenje novog statuta, kao temeljnog dokumenta opštine, odvijalo se pune dvije godine, prošavši sve faze i oblike javne demokratske rasprave. Tom prilikom usvajane su sve konstruktivne primjedbe kao što su one upućene od strane konferencija delegacija KSP „Bioštica“ i Doma zdravlja.

Statut reguliše ustavni položaj mjesne zajednice, pitanja kolektivnog rada i odgovornosti, jednogodišnji mandat i niz drugih pitanja vezanih za život komune. Novim statutom izmijenjen je i datum koji obilježava dan komune. Umjesto 19. decembra, koji se dosad uzimao kao dan oslobođenja Olova, od sada će se, kao dan komune, slaviti 25. juni, datum kada je 1943. godine u okolini Olova borio drug Tito i Vrhovni štab.

S promjenom datuma ustanovljena je i Dvadesetpetojunska nagrada, koja će se dodijeljivati najzaslužnijim radnim kolektivima i pojedincima na nivou olovske opštine.

R. G.

SKUPŠTINA OPŠTINE OLOVO  
U DVIJEMA PRVIM  
GODINAMA TEKUĆEG  
SREDNJOROČNOG PLANA  
RAZVOJA

## SREDSTVA OGRANIČAVAJU MOGUĆNOSTI

Iz razgovora sa Ibrahimom Kolakom, predsjednikom Izvršnog odbora SO, proizilazi da i dalje strateški pravci razvoja ostaju — eksploatacija rudnika i banjsko-rekreativni centar, uz postupno proširivanje postojećih ili izgradnju novih proizvodnih kapaciteta s ciljem da se dođe do novih radnih mjesta i ublaži aktuelni problem nezaposlenosti

— Praksa je da na kraju jedne i na početku naredne godine saberemo postignute rezultate, ne propuštajući da se pri tom osvrnemo i na teškoće koje su pratile te napore, odnosno propuste koje smo napravili, kako bismo pronašli nova rješenja. Za sigurniji hod u narednom periodu.

— To činimo na razmeđu 1981. i 1982. godine — svjesni svih napora koje je poduzimalo naše društvo na polju ukupne stabilizacije naše privrede odnosno naše samoupravne socijalističke zajednice.

### »KRATKA« SREDSTVA ZA KRUPNIJE ZAHVATE

— Na početku smo druge godine tekućeg srednjoročnog plana razvoja naše opštine, pa bi vas zamolili da nam nešto više kažete o svemu. Šta se sve radilo i uradilo u proteklom periodu? — pitamo Ibrahima Kolaka, predsjednika Izvršnog odbora Skupštine opštine Olovo.

— Što se tiče prošle godine, bez obzira na sve što je urađeno, kaže Kolak, ne možemo ni izdaleka biti zadovoljni, jer je ostalo mnogo toga nezavršeno. Postignuti su naprimjer značajni rezultati na bazi samoupravnog sporazumijevanja i dogovaranja, ali ne i u onoj mjeri koliko je bilo potrebno. Na planu investicionih ulaganja, međutim, nismo učinili mnogo. Nezavršavanje pojedinih objekata posljedica je kako objektivnih tako i subjektivnih teškoća. Priroda nekih investicionih ulaganja je takva da one traju duži period, kao što je slučaj sa istraživačkim radovima na iznalaženju olovne rude. A upravo tu je prošle godine napravljen ogroman korak naprijed jer je, na osnovi dosadašnjih istraživanja, urađena tehnokonomski studija koja je dala pun uvid u stvarne mogućnosti za skoro otvaranje rudnika.

— Isto tako, nisu završeni ni vrlo ambiciozni planovi vezani za završetak radova na banjskorekreativnom centru. Razlog — nedostatak sredstava.

— Treba dodati da su započeti radovi na izgradnji drobilackog postrojenja i izmještanja puta u Paskoj luci. Dio sredstava za ovaj projekat obezbjeđuju OOUR-i „Šipad-Romanija“, dok će se drugi dio obezbijediti u vidu bankovskih kredita. Uprkos poteškoćama privedeni su kraju i radovi na izgradnji objekata protivpožarne zaštite i deponije goriva za zagrijavanje.

### OČI UPRTE U RUDNIK I BANJSKO-REKREACIONI CENTAR

— Šta se, uz ispunjenje zaostataka iz prošle godine, planira za ovu godinu? Čemu će se posvetiti najviše pažnje?

— Nedovršene investicije iz prošle godine — nastavlja Kolak, mogu se samo di-



Želje svesti u realne okvire — Ibrahim Kolak

jelom vezati za objektivne poteškoće što znači da su, velikim dijelom, posljedica subjektivnih propusta. Pri tom mislim na neodgovornost projekatana i izvodača radova, zbog čega je i dolazilo do prekoračenja rokova za završetak započetih objekata, što je automatski dovodilo i do poskupljenja tih objekata, logično je da se ta praksa kosila sa politikom ekonomske stabilizacije i štednje. Stoga bi prilikom ugovaranja postizali čvršće obaveze u pogledu rokova za dovršetak ne samo svakog objekta nego i pojedinih njegovih faza zavođenjem fikasnih ugovora, čime bi se i projektanti i izvođači natjerali na odgovorniji rad, odnosno na omogućavanje i ostalim partnerima da na svakom konkretnom objektu mogu u predviđeno vrijeme ući i ispunjenje svoje obaveze. Za ovu godinu planira se revizija tehnokonomske studije o mogućnosti otvaranja rudnika i izrada projektne dokumentacije za njegovo otvaranje, s tim da se blagovremeno obezbijede planirana sredstva. Uz to, ukoliko se sredstva obezbijede, trebalo bi da se završi i banjsko-rekreativni centar, a postoje mogućnosti i za proširenje i rekonstrukciju OOUR-a Finalna prerada u vrijednosti od oko 800 miliona dinara. Za ovu posljednju investiciju već je urađen projekat, obezbijedeno vlastito učesće i banci, podnesen zahtjev za odobravanje kredita.

Slične planove imaju i radni ljudi OOUR-a Tvornice trikotaže, gdje se predviđa proširenje radnog prostora i dogradnje proizvodne hale od 2.500 kvadratnih metara, te nabavka šivaćih i drugih mašina, za koju investiciju bi trebalo obezbijediti 125 miliona dinara.

— I ostali OOUR-i prema svojim mogućnostima, planiraju proširenje kao radnog prostora tako i povećanje broja zaposlenih.

### U PLANU 50 STANOVA, A PITKA VODA NI U PROJEKTU

— Kakva se rješenja vide za otklanjanje velikih teškoća u oblasti stambeno-komunalne djelatnosti?

— Zaista su veliki problemi u oblasti stambene izgradnje ističe predsjednik Izvršnog odbora. Prije svega zato, jer je urbanistički plan već iscrpljen što usporava kako individualnu tako i društvenu izgradnju. Trenutno se radi na utvrđivanju projekta i regulacionog plana radi stvaranja prostora za stambenu izgradnju na području Soluna i Olovskih Luka. U ovoj godini planira se izgradnja dva objekta sa 50 stambenih jedinica. Kažem planira se, jer postoje problemi oko potpisivanja samoupravnog sporazuma o stambenoj izgradnji. I u oblasti komunalnih djelatnosti postoje veliki problemi, jer sredstva nisu obezbijedena putem SIZ-a pa su u te svrhe korištena nenamjenska sredstva. Pripremljen je prijedlog sporazuma o finansiranju komunalnih usluga i dat na razmatranje. Za tu svrhu potrebno je 5-6 miliona dinara iz udruženih sredstava. I dalje se traže rješenja za iznalaženje sredstava za izradu studije za obezbjeđenje pitke vode za područje Olova. Na osnovu te studije bi se izradio projekat i započela izgradnja vodovoda.

— Za sve te zadatke, naglašava Kolak na kraju ovog razgovora, vezane su i u svakom slučaju izgradnja novih i dogradnja postojećih kapaciteta bar donekle bi ublažila problem nezaposlenosti, koji je iz godine u godinu sve izraženiji.

Razgovor vodila  
Raza Gušić

TRIDESET ŠESTI  
ČIČIN MEMORIJAL

## PJENOVAC

## PJEVA

## HEROJIMA

I ovog januara, u Pjenovcu, mjestu pogibije trojice proslavljenih heroja Romanije, okupili su se mladi iz skoro svih krajeva naše zemlje na Trideset šestom Čičinom memorijalu da odaju dužno poštovanje svim palim borcima.

U dvorištu Osnovne škole, koja nosi ime Slaviše Vajnera Čiče, otkrivene su spomen-biste Slaviši Vajneru, Milanu iliću Čiči i Dragančetu Pavloviću. Otkrivanjem spomen-bisti general-major Čedo Đukić je evocirao uspomene na teške i slavne dane te 1942. godine, kada je, u neravnopravnoj borbi (7:1), poginulo 70 boraca Šumadijskog, Romanijskog i Birčanskog odreda, među njima i trojica proslavljenih heroja Romanije.

I tom prilikom Čedo Đukić je govorio o bezgraničnoj ljubavi koju je narod gajio prema Čiči čiji je bio idol i pjesmom ga ovjekovječio. I ovog hladnog januarskog dana Pjenovac je odjekivao od pjesama koje je narod ispjevao onda kada mu je bilo najteže i kada su krvarile rane.

Pjevalo se Neretvi i Sutjesci, Kozari i Kadinjači, pjevalo se svima onima koji su dali i ugradili svoje živote za slobodu. Na ovom tradicionalnom pohodu mladih prisustvovali su i članovi porodice Slaviše Vajnera Čiče.

I dugo se čula pjesma »Romanijo ne treba ti kiše, heroji te krvlju natopiše«.

R. G.













3. FEBRUARA

# TUZLANSKO NARODNO POZORIŠTE U OLOVU

U sklopu organizovane turneje tuzlansko «Narodno pozorište» trećeg februara gostovaće i u Olovu. Olovskoj publici pozorište će se predstaviti dramom «Noć strepnje» Vladimira Čerkeza, bosanskohercegovačkog pisca dobitnika značajnih književnih priznanja i nagrada.

Osjećamo dužnost da damo bar neke karakteristične drame «Noć strepnje». Vladimir Čerkez ovom dramom, kako reče i sam reditelj Đorđe Đurđević — «prevashodno nastoji da ratnim događajima, i ljudima i neljudima u njima pristupi iz ugla koji je najoštrij. Da prođre u mutnu psihologiju ratnog zločinca, pukovnika okupatorske falange koji, vršeći pogrome i pri tom kruto se držeći odluke o izvršenju odgovornog strateškog zadatka po svaku cenu — ispoljava naoko neshvatljivu spregu protivrečnih osobina i nadzora jedne nadasve složene, mnogo čim opterećene ličnosti.»

U režiji Đorđa Đurđevića Tuzlansko Narodno pozorište ovu dramu prvi put izvelo uz Dan oslobođenja Tuzle — 2. oktobra 1981.



Prilika za umjetnički doživljaj — scena iz drame «Noć strepnje» Vladimira Čerkeza

GRAĐANI  
PITAJU.  
PREDLAŽU.  
KRITIKUJU

## DRUGI PROGRAM NA TV-TEME PROLEĆE?

Dosta građana obratilo nam se pitanjem: kada ćemo konačno dobiti kvalitetan prijem slike na drugom TV kanalu? Odgovor smo potražili u Sekretarijatu za privredu Skupštine opštine. Evo šta smo saznali.

Udruženi rad olovske komune obezbijedio je za realizaciju ovog objekta 350 miliona starih dinara. Do danas je završen građevinski dio radova u Olovu, a privodi se kraju i u Bukovom Dolu. Hladno vrijeme i snijeg spriječili su ranije dovršenje ovog posla koji je povjeren KSP «Bioštica». Uskoro slijedi dovod električne energije od trafo-stanice u Olovu do objekta, a kada sve to bude završeno, TV pretvarač i ostalu opremu montirat će stručnjaci iz RTV Sarajevo.

Očekuje se da svi ovi poslovi budu završeni na proljeće, kada možemo očekivati i kvalitetan prijem slike na II TV kanalu.

### REAGOVANJA

## (NE)BRIGA O PENZIONERIMA

Ima i pozitivnih primjera, i to mnogo — zašto ih ne bismo slijedili?!

Na posljednjoj sjednici Mjesne konferencije penzionera Olova raspravljalo se i o tome koliko brige vode radne organizacije o svojim penzionisanim radnicima.

Navodeći primjere da svakodnevno slušamo i čitamo o tome kako širom naše zemlje radne organizacije i radni kolektivi pomažu svojim penzionisanim radnicima, zaključili smo da se kod nas malo ili skoro nimalo pažnje ne poklanja penzionerima. Primjera da se penzioneri šalju na godišnje odmire zajedno sa aktivnim radnicima, da im se djeca školuju i zapošljavaju, obilaze bolesni i pruža im se pomoć, kod nas i nema.

Nadamo se da će i naše radne organizacije početi primjerima drugih, posvećujući daleko više pažnje svojim penzionerima.

Molomir Janković

### NEKOLIKO PODATAKA IZ POSLJEDNJEG POPISA STANOVNIŠTVA

## 16.317 STANOVNIKA U 3841 DOMAĆINSTVU

Mada je popis stanovništva završen u martu prošle godine, vjerujemo da dosta naših sugrađana ne raspolaže podacima o tome koliko čega danas ima na našoj komuni.

Najviše domaćinstava ima Mjesna zajednica Olovo (850), slijede Careva Čuprija (644), Solun (532), Olovske Luke (507), Dolovi (291), Čuništa (195), Dugandžići (185), Milankovići (155), Petrovići (148), Klinčići (121), Šaševci (117), Gurdići (96), ili ukupno 3841 domaćinstvo, gdje u 3.804 stana živi 16.317 stanovnika.

Na privremenom radu u inostranstvu trenutno je 166 stanovnika naše komune, od čega najviše (28), sa područja Careve Čuprije. Popisom je utvrđeno da na našoj komuni ima 198 bunara, 477 konja, 5728 govoda, 14300 ovaca, 671 svinja i 11391 komad živine.

### TEŽAČKA ODA

Glas nemira Tvog u meni  
širina vidokruga  
podgorje oče majke mi  
i praoca  
Ti slovo živo pod šakom težaka  
hvala što me reče  
dok rosa na cvijet  
poliježe  
i ralo zvoni po uranku  
Ne daj me  
zalogaju slatki između noći  
i jutra

Marjan Ostojlić

### PJESMA

Zvijezde poskidah  
pjesme ispjevah  
i sve dodah  
za riječ slatke gorčine

M. Ostojlić

### FILMOVI

## REPERTOAR GRADSKOG BIOSKOPA ZA FEBRUAR

- |  |                          |
|--|--------------------------|
| 1. Partizanska škola                     | domaći, ratni            |
| 2 — 3. Krijumčari                        | američki, avanturistički |
| 4 — 5. Skandal                           | njemački, erotski        |
| 6 — 7. Zbogom Emanuela                   | francuski, erotski       |
| 8. Karmen iz Granade                     | španski, muzički         |
| 9 — 10. Preljubnica                      | francuski, krimić        |
| 11 — 12. Posljednji romantični ljubavnik |                          |
| 13 — 14. Tetovirana veza                 | američki, ljubavni       |
| 15 — 16. Žena djevica                    | italijanski, erotski     |
| 17. Šerlok Holms i Džek Trbosjek         | engleski, krimić         |
| 18 — 19. Nebo može da sačeka             | američki, drama          |
| 20 — 21. Zmijsko gnijezdo                | američki, vestern        |
| 22. ABC-od ljubavi do seksa              | njemački, erotski        |
| 23 — 24. Bjekstvo sa pločnika            | francuski, ljubavni      |
| 25 — 26. Veliki Džek                     | američki, avanturistički |
| 27 — 28. Divlja horda                    | engleski, vestern        |

### NAŠ IZBOR ZA HUMOR

## JAJE I NOVINE

Dosad nije zabilježeno da jaje bude skuplje od novina, kao što je trenutno slučaj.

Da se razumijemo: ne tražimo da novine budu skuplje, nego bismo voljeli da su jaja jeftinija.

### RJEŠENJE

Neki studenti morali su da upišu fakultete koje ne vole. Nema veza! Kad ih završe, za ta zanimanja vjerovatno neće biti interesovanja, pa neće morati da rade ono što ne vole.

### ŠTEDNJA

Štedite struju!  
Štedite naftne derivate.  
Štedite devize.  
Pri svemu tome, naravno, štedite i živce.

olovske novine

IZDAJE: Centar za kulturu, obrazovanje i informisanje Olovo, Slaviše Vajnera Čiče 23. Telefon (071) 825-479  
SAVJET ZA INFORMISANJE: Nedžad Bajić (predsjednik), Idriz Pašalić, Miroslav Žugić, Mato Vijačković, Zineta Hadrović, Samojko Žugić, Ljubomir Medić, Rade Pantić, Šefko Jamaković, Dušan Žugić, Fikret Kučanin, Jasmina Jamaković, Asim Karić, Stjepan Bruža.  
REDAKCIJSKI ODBOR: Ramo Džinić, Vida Gradinčić, Osman Hodžić, Mira Ignjatović, Ermin Cerić, Nada Gudelijević, Bogdan-ka Todorović, Raza Gušić, Zvonimir Đorđević, Stjepan Bruža.  
GLAVNI I ODGOVORNI UREDNIK: Stjepan Bruža LEKTOR: Srećko Paponja, prof. Tehnički urednik: Nikolić Zoran  
ŠTAMPA: NIŠRO «Oslobođenje»  
List izlazi jedanput mjesečno. Tiraž 4.000 primjeraka. List se dostavlja svakom domaćinstvu na opštini — besplatno.



Dani za potvrdu vlastite vrijednosti — sa jedne svečanosti povodom 8. marta u Olovu

**U SUSRET  
8. MARTU**

## ŽENA — MAJKA — ŽENA — STVARALAC

»Istorijski gledano, za ovih četrdeset godina u našoj samoupravnoj socijalističkoj zajednici postigli smo vrlo mnogo na unapređenju društvenog položaja žene, ali smo u uslovima koje nam pružaju naš društveno-politički sistem i ekonomski razvoj mogli postići i više.«

To je ocjena predsjednice Konferencije za pitanja društvenog položaja žena Jugoslavije Zora Tomić koju smo zamolili da povodom Osmog marta i 40-godišnjice Antifašističkog fronta žena (AFŽ) ukaže na glavne uspjehe i teškoće od Petrovca do danas, kao i na neke aspekte položaja žena u svijetu.

Put koji su žene Jugoslavije prošle — od osnivačke Konferencije AFŽ-a u Bosanskom Petrovcu 1942. godine do danas — obilježen je velikim dostignućima u razvoju zemlje i poboljšanju njihovog društvenog položaja, kaže Zora Tomić. Sve to vrijeme žene su dijelile sudbinu zemlje, svih naroda i narodnosti, radničke klase u borbi protiv okupatora i fašizma, u bitkama za slobodu, za novo društvo u kojem će vlast imati radnici i u kojem će one biti ravnopravne. Žene su se na poziv KPJ — jedine političke snage koja je u svom programu jasno razradila potrebu suštinske promjene položaja žene — latile oružja i prihvatile izgradnje nove vlasti koja im je odmah priznala ravnopravnost. AFŽ je imao zadatak da te potlačene, obespravljene i često nepismene žene osposobljava za zadatke koji predstoje u borbi.

Ništa manji zadaci nisu bili ni poslije pobjede: obnova porušene zemlje, industrijalizacija. Žene se uključuju u sve tokove privrednog i društvenog života, obrazuju se i školuju, a mnoga pitanja ranije rješavana preko žena postaju stvar cijeloga društva. Zakonska ravnopravnost je bila ostvarena. Međutim, to je tek prvi korak, ističe Zora Tomić. Žena nije više samo radnik već i samoupravljivač i uspjeh u poboljšanju njenog položaja zavisi od uspješnosti bitke za ovlađavanje radnika svim tokovima društvene reprodukcije, za odlučivanje radnika u svim sferama života i njihovu odgovornost za ukupan razvoj. Na žalost, taj proces ne teče kako bismo željeli, naglašava Zora Tomić, jer se u odnosu na žene još javljaju ostaci starih shvatanja. Na položaj žene odražavaju se sve negativnosti u našem razvoju — naročito otpor samoupravljanju.

Neki pokazatelji, posebno o učešću žena u odlučivanju, vrlo rjeđito ukazuju na stanje, koje poslije tolikih godina angažovanja žena u procesu rada i njihovog ogromnog doprinosa razvoju zemlje, mora da zabrinjava. Iako imamo vrlo napredno zakonodavstvo i jasna politička

opredjeljenja, ona se ne mogu ostvariti stihijski već smao kroz političku akciju. Međutim, zastoju u svjesnoj i kontinuiranoj aktivnosti subjektivnih snaga u nekim područjima života odražava se i na položaj žene, a akcija za oživotvorenje opredjeljenja o položaju žene može se voditi samo u okviru svakodnevnih nastojanja da radnici imaju dominantnu ulogu. Treba imati na umu da nas u odnosu prema ženama mnogo šta opterećuje i zato ostvarivanje zaključaka Predsjedništva CK SKJ o položaju žene iz 1980. godine nije stvar jednokratne akcije već trajan zadatak komunisti. Ali, iako nema mnogo najgrublje kršenja osnovnih opredjeljenja još niko nije pozvan na odgovornost što se za ostvarenje tih opredjeljenja nije borilo, primjećuje Zora Tomić.

Izbori za delegacije i delegate koji su u toku predstavljaju, smatra Zora Tomić, probni kamen ozbiljnosti kojom su komunisti shvatili svoje obaveze iz zaključaka Predsjedništva CK SKJ i spremnosti da se loše (za naše prilike) kadrovanje stanje promijeni na bolje. U pitanju je mnogo više od formalne zastupljenosti žena u svim tijelima — u pitanju je dalji razvoj našeg samoupravnog socijalističkog društva, koje ne može naprijed bez učešća žena u procesu rada i odlučivanja. Radni doprinos žena je nezamjenjiv, kao što je nezamjenjiva njihova odgovornost za cjelokupan društveni razvoj.

Osmomartovski skupovi u našoj zemlji biće posvećeni borbi za mir, ravnopravnost i novi međunarodni ekonomski poredak. Biće to prilika da snažno manifestujemo podršku i solidarnost narodima i njihovim legitimnim predstavnicima, oslobodilačkim pokretima, koji se bore za slobodu. To je istovremeno i prilika da se skrene pažnja na odgovornost svake zemlje i cijele međunarodne zajednice za nedopustivo stanje i užasne patnje pojedinih naroda širom svijeta u kojima djeca i žene najviše stradaju.

Mir, nezavisnost i razvoj predstavljaju neodvojive činioce jedinstvenog procesa ostvarivanja ravnopravnosti ljudi koja se ne može zamisliti bez ravnopravnosti žena. Samo univerzalno jačanje svjetskog mira i bezbjednosti, zaustavljanje trke u naoružanju, ostvarivanje opšteg i potpunog razoružanja i smanjenje vojnih budžeta, jačanje detanta, uspostavljanje novog međunarodnog ekonomskog poretka i sve šira ravnopravna međunarodna saradnja omogućuju dalji privredni, društveni i kulturni napredak zemalja i poboljšanje položaja žena. To je ujedno naša poruka za 8. mart — revolucionarni praznik međunarodnog radničkog pokreta, rekla je na kraju Zora Tomić. J. B.



Edvard Kardelj: pola vijeka vojnik revolucionarnog pokreta

## BORAC BEZ PREDAHA

Punih četrdeset godina bio je najbliži Titov saradnik — Poseban pečat Kardeljevom djelu daje njegov doprinos stvaranju nove narodne vlasti i organizovanju bratske zajednice ravnopravnih naroda i narodnosti Jugoslavije

*U našoj istoriji trajno je zabilježen 27. januar. Toga dana, prije 72 godine, rođen je u radničkoj porodici velikan naše revolucije poslijeratnog razvoja Edvard Kardelj.*

*Najbliži Titov saradnik punih četrdeset godina, otpočeo je svoj put revolucionara već u 16. godini kada je postao član SKOJ-a. Partija je u njemu otkrila vrsnog komunistu i organizatora, tri godine kasnije, kada ga je i primila u svoje redove, 1928. godine. Od tada do posljednjeg dana života Edvard Kardelj je bio najodaniji borac za radnička prava. Pripadao je krugu jugoslovenskih komunista koji su još tridesetih godina, oslonjeni na marksističku analizu realnih društvenih kretanja, shvatili potrebu promjena u tadašnjoj politici komunističkog pokreta i usvajanja novih oblika i metoda djelovanja komunista.*

### VOJNIK REVOLUCIJE

*Očeljen dvogodišnjim tamnovanjem i naoružan znanjem Kardelj se opredjelilo trajno za borbu radničke klase kojoj je do kraja ostao vjeran. »Drug Kardelj, izjavio je Tito u Damasku, neposredno po saznavanju da je ostao bez najbližeg saradnika, pola vijeka je vojnik našeg revolucionarnog pokreta, nepokolebljivi borac koji nije znao za uzmicanje i predahe. Za revolucionarni put opredjelilo se u svojoj mladosti, da bi zatim izdržao sve torture nenarodnih režima, iskusio sve teškoće i opasnosti ilegalnog rada i prošao kroz sve bitke oslobodilačkog rata.«*

*Neposredno učešće u revolucionarnim akcijama, koje su iz godine u godinu postajale sve brojnije, nisu ga odvajale od idejno-političkog i teoretskog rada. Neumorno je saradivao u legalnim i ilegalnim listovima i časopisima koje je pokretala partija i svojim prilozima je obogaćivao njihov sadržaj. To ga nikada nije odvajalo od izvršavanja mnogih praktičnih zadataka, pa je najneposrednije učestvovao u stvaranju Osvobodilne fronte Slovenije, provodeći na taj način političku i vojnu strategiju KPJ. I u ratu je najbliži Titov saradnik, učestvujući u donošenju i ostvarivanju svih važnijih odluka koje su se odnosile i na oružanu borbu.*

### TVORAC DELEGATSKOG SISTEMA

Među najblistavija ostvarenja Edvarda Kardelja spadaju i ustavi iz 1963. i 1974. godine, čijom je izradom neposredno rukovodio. Stvorena je tada nova struktura skupština, koja osigurava da političke, ekonomske i moralne težnje i interesi radnih ljudi i građana dođu do izražaja. Ugaoni kamen našeg socijalističkog sistema svakako je delegatski sistem, čiji je tvorac Edvard Kardelj.

Kardeljevo djelo nisu zatvorile jugoslovenske granice. Ime mu je u svijetu raslo sa mjestom i ulogom naše zemlje u međunarodnoj politici. Još 1949. godine, poslije njegovog izlaganja na zasjedanju Generalne skupštine Ujedinjenih nacija u Njujorku, kada se založio za nezavisnost, ekonomsku i političku slobodu svih naroda svijeta, Moša Pijade mu je uputio pismo u kome kaže »Otkako su Lenjinova usta prestala da govore nije u svjetskom komunizmu bilo govora tvog kvaliteta.«

**SVIM DRUGARICAMA iskreno čestita**

**8. MART Međunarodni dan žena**

Redakcija













**PENZIJSKO I INVALIDSKO  
OSIGURANJE  
ZEMLJORADNIKA**

**POGODNOSTI  
TREBA  
ISKORISTITI**

Odredbama zakona o penzijskom i invalidskom osiguranju, koje je donijela Skupština SR BiH, pružene su velike mogućnosti zemljoradnicima za regulisanje i ostvarivanje prava iz penzijskog i invalidskog osiguranja. Ovim Zakonom decidno je određeno da se penzijskim i invalidskim osiguranjem obavežno osiguraju udruženi zemljoradnici koji po osnovu udruživanja ostvaruju godišnji čisti dohodak u visini 50% od prosječnog godišnjeg čistog ličnog dohotka ostvarenog u prethodnoj godini u Republici.

Penzijskim i invalidskim osiguranjem udruženi zemljoradnici obezbjeđuju sebi pravo na starosnu penziju i pravo na invalidsku penziju u slučaju potpune nesposobnosti za rad, a za članove svoje porodice pravo na porodičnu penziju. Pravo iz penzijskog i invalidskog osiguranja udruženi zemljoradnici i članovi njihovih porodica stiču pod uslovima i u visini utvrđenim propisima o penzijskom i invalidskom osiguranju radnika, ako ovim zakonom nije drugačije određeno.

**KRITERIJI**

Udruženom zemljoradniku u penzijski staž računa se:

1. vrijeme provedeno u obaveznom osiguranju u svojstvu udruženog zemljoradnika po ovom zakonu,
2. vrijeme koje se po propisima o penzijskom i invalidskom osiguranju računa u penzijski staž,
3. vrijeme koje je zemljoradnik proveo u svojstvu udruženog zemljoradnika prije ustanovljenja obaveznog osiguranja, pod uslovom da za taj period uplati odgovarajući doprinos,
4. vrijeme provedeno u dobrovoljnom osiguranju zemljoradnika.

U slučaju da ne ispunjava uslove penzijskog staža i gustine staža osiguranja za sticanje prava na starosnu penziju, udruženom zemljoradniku koji je obavljao poljoprivrednu djelatnost kao jedino i glavno zanimanje prije ustanovljenja obaveznog osiguranja, vrijeme obavljanja te djelatnosti računa se u staž osiguranja potreban za sticanje prava, a najviše 15 godina, pod uslovom da za taj period uplati odgovarajući doprinos.

Sredstva za obezbjeđenje prava iz penzijskog i invalidskog osiguranja udruženih zemljoradnika obezbjeđuju:

1. udruženi zemljoradnici – doprinosom iz ličnog dohotka,
2. zemljoradničke zadruge, odnosno organizacije udruženog rada – doprinosom iz dohotka ostvarenim udruživanjem rada i sredstvima zemljoradnika

**Dobrovoljno osiguranje**

Zemljoradnici sa navršenih 15 godina života koji obavljaju poljoprivrednu djelatnost kao jedino ili glavno zanimanje, a koji nisu obavezno osigurani, mogu se osigurati na prava iz penzijskog i invalidskog osiguranja, na načelima uzajamnosti i solidarnosti u Zajednici u skladu sa Zakonom o penzijskom i invalidskom osiguranju. Dobrovoljnim osiguranjem zemljoradnici obezbjeđuju sebi pravo na starosnu penziju i pravo na invalidsku penziju u slučaju potpune nesposobnosti za rad, a članovima svoje porodice pravo na porodičnu penziju. Ta prava se stiču po uslovima i u visini utvrđenoj za udružene zemljoradnike. Osnovicu za obračun i plaćanje doprinosa za penzijsko i invalidsko osiguranje zemljoradnika i za utvrđivanje penzijskog osnova utvrđuje Zajednica.

O osnovicama i stopi doprinosa pišačemo u narednom broju.

Nikola Vasiljević

U OLOVU  
— 13. MARTA

**GOSTUJE »NARCIS« –  
LUTKARSKO POZORIŠTE  
IZ PRAGA**



U okviru međunarodne razmjene, koncerta direkcija Zagreb organizuje po Jugoslaviji turneju češkog pozorišta »Narcis«, koje će izvesti 150 predstava u BiH. Animatori lutaka su vodeći umjetnici ČSSR Vladimir Fišer i Ema Kopecka,

koji će se olovskoj publici predstaviti 13. marta sa dvije predstave – »Put oko svijeta« i »Revija iz kofera«. Jedna predstava će se organizovati u Kino-sali za učenike OŠ »Daniel Ozmo«, a druga u Solunu.

Scena za najmlađe i one malo-velike – iz »Narcisa«

**POVODOM AKCIJE: »POKLONIMO KNJIGU  
ŠKOLSKOJ BIBLIOTECI«**

**NIKO KAO POSMATRAČ**

I ove godine je u SŠC »25. maj« u Olovu pokrenuta akcija: »Poklonimo knjigu školskoj biblioteci«. Ovoj humanoj i prije svega korisnoj akciji odazvali su se u velikom broju učenici i radnici ove vaspitno-obrazovne ustanove.

Bilo je zaista svijetlih primjera da su pojedinci i neka odjeljenja svesrdno prihvatili ovu akciju, ali je bilo i onih koji su u ovoj akciji učestvovali samo kao posmatrači.

Iz razgovora sa bibliotekarom škole, prof. Alijom Đulovićem saznali smo da su više knjiga poklonili biblioteci učenici iz prijednevne smjene. Takođe je evidentno da su ovu akciju najviše podržali učenici četvrtih razreda, a naročito četvrtih razreda gimnazije.

Akcija »Poklonimo knjigu školskoj biblioteci« je sigurno najšire prihvaćena u onim odjeljenjima u kojima predaje profesor Mira Ignjatović, jer je ona neprestano ukazivala na važnost i značaj ove akcije.

Naročito treba pohvaliti učenike IV b razreda gimnazije, jer su svi, bez izuzetka, poklonili knjigu školskoj biblioteci. Pošto je u ovom razredu bilo više učenika koji su donijeli po više knjiga, to u prosjeku izgleda da su svi učenici ovog razreda poklonili po dvije knjige.

Na ovaj način, dosad je prikupljeno oko 270 knjiga. I pored nedostataka moglo bi se ipak zaključiti, da je ovo jedna od uspješnijih akcija u ovoj školskoj godini.

Međutim, na ovome se ne smije stati. Akcija »Poklonimo knjigu« značajna je ne samo za radnike i učenike Srednjoškolskog centra nego i za svakog građanina naše opštine. Svi znamo da je kroz ovu školu prošlo mnogo generacija i da će ih biti mnogo više. Bez knjiga oni ne bi mogli postići uspjeh koji postižu i koji su postizali. Zato ova akcija neprestano treba da se širi i da dobije podršku ne samo u Centru nego i kod građana u cijeloj našoj opštini.

Sead Bubić

**PTT U CAREVOJ ČUPRIJI**

**NOVI PROSTORI  
– VEĆI ELAN**

Nedavno je u Mjesnoj zajednici Careva Čuprija, uz skromnu svečanost, u prisustvu predstavnika društveno-političkih organizacija ove mjesne zajednice, izvršeno preseljenje PTT jedinice iz stare, zapuštene i potpuno neuslovne prostorije u nove i za tu namjenu adaptirane prostorije.

OOUR PTT saobraćaja Sarajevo, u čijem sastavu je i ova PTT-jedinica, naišao je na razumijevanje kod OOOUR Šumarsvo Olovo, tako da su obezbijeđene prostorije u prizemlju zgrade bivše željezničke stanice. Navedene prostorije su dobro adaptirane, u šta su uložena određena sredstva. Prostorije su mnogo pristupačnije od ranijih, svijetlije su i prostornije. Time su znatno poboljšani uslovi rada radnika ove PTT jedinice, a korisnicima PTT usluga obezbijeđeni su bolji uslovi za korištenje usluga. Veoma je važno napomenuti da je ovim obezbijeđen i prostor za buduću automatsku telefonsku centralu koja je planirana u tekućem petogodišnjem planu razvoja naše OOOUR-a. Inače, za ostvarenje ovog plana potrebno je udruženim snagama obezbijeđiti sredstva, tj. sredstva privrede ove Društveno-političke zajednice i OOOUR-a PTT saobraćaja Sarajevo, za šta sigurno postoji obostrani interes.

Ahmet Kijajić

**BIOSKOP**

**REPERTOAR KINA ZA MART**

- 2. i 3. U vrtlogu svesti – engleski, strava
- 4. i 5. Ljubav i smrt – američki, ljubavni
- 6. i 7. Prohujalo a vihorom – američki, ljubavni
- 8. i 9. Kamikaze na točkovima – američki, avanturistički
- 10. i 11. Tragovi ucjene – američki, kriminalistički
- 12. i 13. Najveća osveta Brus Lija – hongkonški – karate
- 15. Mlad supružnici – italijanski, ljubavni
- 16. i 17. Roken-rol – američki, muzički
- 18. i 19. Grizli – američki, pustolovni
- 20. i 21. Meteor – američki, naučno-fantastični
- 23. i 24. Noćne igre – francuski, drama
- 25. i 26. Sluga svojih gospodara – američki, avanturistički
- 27. i 28. Drakula – engleski, strava
- 29. Monstrum mora – američki, avanturistički
- 30. i 31. Gvozdeni krst – američki, ratni.

**ZASTAVE**

*Pogledaj družte te zastave  
što se vijore na vjetru,  
što prkose svakom  
ko bi želio da ih pogazi.*


*One stoje kao čvrsti bedem,  
te zastave koje su, prošle  
kroz rat  
ovoga vremena,  
one su poput čvrstog  
rodnog kamena,  
koje odolijevaju i snegu i  
kiši  
iz godine u godinu...*

*One slobodno vijore u  
slobodi i miru.  
Družte, pogledaj moju rodnu  
grudu  
i uživaj u mojoj sreći:  
zastave, to su spomenici  
slobode,  
to je bedem radosti,  
s kojeg slušam sve jači  
eho slobode.*

MIRSAD DEDIĆ

POETSKI KUTAK

**IZDAJE:** Centar za kulturu, obrazovanje i informisanje Olovo, Slaviše Vajnera Čiče 23. Telefon (071) 825-479  
**SAVJET ZA INFORMISANJE:** Nedžad Bajić (predsjednik), Idriz Pašalić, Miroslav Žugić, Mato Vijačković, Zineta Hadrović, Samojko Žugić, Ljubomir Medić, Rade Pantić, Šefko Jamaković, Dušan Žugić, Fikret Kučanin, Jasmina Jamaković, Asim Karić, Stjepan Bruža.  
**REDAKCIJSKI ODBOR:** Ramo Džinić, Vida Gradinčić, Osman Hodžić, Mira Ignjatović, Emin Cerić, Kemala Hodžić, Bogdanka Todorović, Raza Gušić, Zvonimir Đorđević, Stjepan Bruža.  
**GLAVNI I ODGOVORNI UREDNIK:** Stjepan Bruža **LEKTOR:** Srećko Paponja, prof. Tehnički urednik: Nikolić Zoran  
**ŠTAMPA:** NIŠRO »Oslobođenje«  
 List izlazi jedanput mjesečno. Tiraž 4.000 primjeraka. List se dostavlja svakom domaćinstvu na opštini – besplatno.

ŠTAFETA MLADOSTI — 14.  
APRILA U OLOVU

## DOČEKAJMO JE I ISPRATIMO — SRCEM

Štafeta mladosti, simbol bratstva i jedinstva svih naših naroda i narodnosti, krenula je 21. marta iz Prilepa, a njen prvi nosilac bila je Tatjana Atanasoska, učenica sedmog razreda Osnovne škole iz Prilepa, pionirka kojoj je pripala čast da u ime pionira cijele Jugoslavije, čija organizacija slavi 40-godišnjicu postojanja, ponese ovaj jedinstven simbol ljubavi i odanosti Titu i njegovom djelu.


Štafeta je kroz SR Makedoniju putovala šest dana, a od 26. marta do 6. aprila hiljade mladića i djevojaka nosilo ju je kroz SR Srbiju, kada su je preuzeli mladi iz SAP Vojvodine. Tu boravi do 12. aprila, kada će je prvi put preuzeti mladi iz SR Bosne i Hercegovine. Štafeta u našoj republici ostaje šest dana, a njen dolazak u Olovo planiran je za srijedu, 14. aprila u 9 sati, sa zadržavanjem od 20 minuta. Dan kasnije, 17. aprila Štafetu mladosti preuzimaju mladi SR Hrvatske a 23. aprila preuće je nosioci iz SR Slovenije. Nakon sedmodnevnog boravka, Štafeta se opet vraća u Hrvatsku, da bi je 8. maja po drugi put preuzeli omladinci i omladinke iz Bosne i Hercegovine. 14. maja Štafeta kreće na put po SR Crnoj Gori, da bi je 19. maja preuzeli mladi iz SAP Kosovo. Od 23. maja do završne svečanosti na Stadionu JNA u Beogradu, Štafeta mladosti ponovo će putovati kroz Srbiju.

## IZBORI '82

# ZA SVAKO MJESTO VEĆI BROJ KANDIDATA

**Od 3.081 upisanog, glasalo je 2.699 ili 87,6 posto — Izabrano je 147 članova u 20 delegacija za društveno-političke zajednice i 255 članova u 25 delegacija za samoupravne interesne zajednice**

### IZBORI '82



«Savez komunista i sve organizovane socijalističke snage moraju istrajati u dosljednom ostvarivanju utvrđene kadrovske politike. Radni ljudi i građani treba još šire da se koriste svojim ustavnim pravom da neposredno i odgovorno odlučuju o izboru i raspoređivanju kadrova na odgovarajuća radna i rukovodeća

mjesta. Obaveza je Saveza komunista da istraje u podršci tom našem milionskom samoupravljačkom potencijalu da ovlada kadrovskom politikom. U procesu kandidovanja i biranja, za svako mjesto, pa i najodgovornije treba da konkuriše veći broj kandidata, razumije se, koji ispunjavaju utvrđene kriterije. Tada će ljudi, prema sopstvenoj ocjeni i opredjeljenju, moći stvarno da izaberu one najbolje kojima će i pružiti punu podršku u radu. Tako će se onda onemogućiti dugo ostajanje pojedinaca na istim mjestima i njihovo birokratiziranje, kao i neprincipijelna borba za funkcije i položaje, što nam donosi ozbiljnu političku štetu».

(Iz referata druga Tita na XI kongresu SKJ)

### KONTINUITET NA TITOVOM PUTU

Kao i u svim krajevima naše zemlje, 19. i 21. mart je i na našoj komuni, protekao u znaku izbora članova za delegacije društveno-političkih i samoupravnih interesnih zajednica. Radni ljudi u OOUR-ima i građani u mjesnim zajednicama, dali su svoj glas najaktivnijim, najprovjerenijim ljudima, onima koji će odgovorno i savjesno nastaviti dosljednu borbu za ostvarivanje samoupravljačke uloge svakog čovjeka, za unapređenje delegatskog sistema i očuvanje tekovina naše narodnooslobodilačke borbe i socijalističke revolucije.

Radnici, udruženi poljoprivrednici i zanatlije, na trenutak su ostavili mašinu, polje i mušterije i izašli na glasanje. U OOUR-ima se glasalo od ranog jutra, a ondje gdje se radilo u dvije smjene i do kasno uvečer. Od 3081 upi-

sanog, glasalo je 2699 ili 87,6 posto. Iz neposredne proizvodnje od 2639, glasalo je 2315 ili 88 posto, a od 442 udruženih poljoprivrednika i zanatlija, glasalo je 384 ili 87 posto. Izabrano je 147 članova u 20 delegacija za društveno-političke zajednice i 255 članova u 25 delegacija za samoupravne interesne zajednice. Među prvima su izборе završili radnici RZZS RO «Jedinstvo», «Poljokopa» i «Kooperative», te Motela, gdje je ostvaren odziv od 100, odnosno 97 i 95 posto.

U svih 12 mjesnih zajednica, građani su u velikom broju obišli svoja glasačka mjesta. Biral se 12 delegacija u DPZ i 15 delegacija u SIZ-ove. Najveći odziv bio je u Mjesnoj zajednici Olovske Luke, gdje je od 1265 birača glasalo 1225, ili 97 posto. Slično je bilo u Dugandžićima, Čuništima, Klinčićima, Dolovima, Petrovićima, Gurdčićima, Milankovićima, Solunu, Carevoj Čupriji, Šaševcima i Olovu. Od ukupno 10437 upisanih u biračke spiskove, glasalo je 9659, ili 93 posto.

### ROKOVNIK IZBORA '82

— 4. aprila: izbor delegata, iz članova delegacija, za vijeće mjesnih zajednica skupština opština — i izbor delegata, također iz reda članova delegacija, u vijeće udruženog rada skupština opštine iz oblasti ličnog rada (poljoprivrednici, zanatlije itd.).

— 5. aprila: izbor delegata, iz reda članova delegacija, u vijeće udruženog rada skupština opština.

— 13. aprila: konstituisanje skupština opština u SR BiH, zatim izbor delegata u sva tri vijeća Skupštine SR BiH i izbor delegata u Savezno vijeće Skupštine SFRJ.

— 27. aprila: konstituisanje Skupštine SR BiH i izbor delegacije Skupštine SR BiH u Vijeće republika i pokrajina Skupštine Jugoslavije.

— 15. maja: konstituisanje Skupštine Socijalističke Federativne Republike Jugoslavije. Delegacije osnovnih samoupravnih organizacija i zajednica temelj delegatskog sistema: kako će se formirati delegatske skupštine '82.

Pripremio: Z. Đorđević

















# ČITAV LJUDSKI VIJEK



Čitav ljudski vijek Tito je borac za interese i istorijske ciljeve radničke klase i svih radnih ljudi, za najpiementnije ideale i težnje naših naroda i narodnosti. Tito je naš najdraži drug. Sedam decenija jačao je redove jugoslovenskih komunista. Više od četiri decenije vršio je na najdos-tojanstveniji način najodgovorniju dužnost u našoj partiji. Bio je herojski vođa u velikoj narodnooslobodilačkoj borbi i socijalističkoj revoluciji. Tri i po decenije stajao je na čelu naše socijalističke države i uveo našu zemlju i našu borbu za novo ljudsko društvo u svjetaku istoriju, iskazujući se i potvrđujući i sam kao naša najveća istorijska ličnost.

U najsudbonosnijim razdobljima našeg opstanka i razvitka Tito je smjelo i dostojno nosio proletersku zastavu naše revolucije, ustrajno i dosljedno vezan za sudbinu naroda i čovjeka. Borio se cijelim svojim životom i djelom, živio žarom i humanizmom velikog revolucionarnog prego-oca i narodnog vođe.

Tito nije bio samo vizioner, kritičar i tumač svijeta. On je sagledavao objektivne uslove zakonitosti društvenih kretanja, pretvorio velike ideale i misli u akciju miliona narodnih masa koje su, s njim na čelu, ostvarile epohalne progresivne društvene preobražaje.

Njegovo revolucionarno djelo biće za sva vremena upi-sano u istoriju naroda i narodnosti Jugoslavije i u istoriju slobodoljubivog čovječanstva.

Drug Tito se stalno zalagao da samoupravno organi-zovani radni ljudi upravljaju sredstvima i uslovima rada, tokovima društvene reprodukcije, i preko delegatskog sistema, društvom u cjelini. Pamtim riječi drugu Tita da »fabrike radnicima, zemlja seljacima«, nije neka apstraktna propagandistička parola, već čitav program socijalističkih odnosa.

Sa drugom Titom smo stekli samoupravljajčko iskustvo od tri decenije. Naša praksa je pokazala da je socijalističko samoupravljanje podstaklo procese ukidanja svih oblika klasne vladavine, oslobađanja rada i punu afirmaciju ljudske ličnosti. Ono je podstaklo stvaralaštvo i inicijativu naroda i omogućilo brz društveno-ekonomski i kulturni razvoj naše zajednice, ubrzalo širenje socijalističke demokratije i društvenog života. Socijalističko samouprav-ljanje postalo je nezamjenjiva tekovina naše radničke kla-se, naših naroda i narodnosti, osnova dalje izgradnje soci-jalističkog društva. Rukovodimo se Titovim riječima da naša revolucija mora ostati nepokolebljiva u osnovnim opredjeljenjima, humana u nastojanjima da stalno proširu-je prostore ljudske slobode i nepomirljiva prema onima koji bi željeli da ugroze njene tekovine i skrenu njene to-nove.

Socijalističko samoupravljanje istovremeno traži i veli-ku odgovornost, solidarnost, duboki smisao za zajedniš-tvo, njegovanje i razvijanje kolektivnog rada i odgovor-nosti. To je jedna od posljednjih poruka koju je ostavio drug Tito.

GODINA I  
25.  
MAJA  
1982  
BROJ 5

## olovske novine

LIST SOCIJALISTIČKOG SAVEZA RADNOG NARODA OLOVO

DRUŽE TITO  
MI TI SE  
KUNEMO,  
DA SA TVOGA  
PUTA  
NE SKRENEMO

### DELEGATSKA GLEDISTA

# TITOVSKO JEDINSTVO AKCIJE

Na upravo završenom VIII kon-gresu SK BiH, među 800 delegata iz cijele Republike našu komunu, koja u 52 osnovne organizacije okuplja 1268 članova SK, pred-stavljali su: Vinko Višnjić, udruže-ni poljoprivrednik iz Drapnića, Fa-dila Pejanović VK kuharica u RJ Društvena ishrana i Enes Behlulo-vić, sekretar Doma zdravlja.

### MLADE ZADRŽATI NA NJIVI

Vinko Višnjić bio je član Komi-sije za izgradnju i jačanje socija-lističkih samoupravnih odnosa u poljoprivredi i na selu i zadaci SK BiH.

— Zajednička ocjena ove ko-misije, što je podvučeno i u iz-vještaju svodi se na to da su zna-čajni rezultati postignuti u oblasti samoupravnog organizovanja po-ljoprivrede. Stvorene su realne pretpostavke za dalje udruživanje i unapređivanje poljoprivrede u cjelini. Međutim, neophodno je o-vezbijediti nove podsticaje za samoupravno udruživanje poljop-rivrednika. Zadatak Saveza komu-nista je da pronalazi konkretne oblike za ostvarivanje interesa zemljoradnika, pri čemu treba ko-ristiti mogućnosti koje pruža ZUR. Treba izbjeći vidove formal-nog udruživanja i kupoprodajne odnose i razvijati zajedničke, par-tnerske odnose. U tom pravcu poljoprivrednicima treba obezbi-jediti i olakšice, pogotovo kada je



Fadila Pejanović

riječ o brdsko-planinskom pod-ručju kakvo je naše, a i garantova-ne cijene će također u velikoj mjeri spriječiti veliku fluktuaciju radne snage sa sela, govori Vinko Višnjić.

### VIŠE ODGOVORNOSTI U IZVRŠAVANJU ZADATAKA

Fadila Pejanović bila je član Komisije za idejno-političko i akci-ono izgrađivanje SK BiH, kao re-volucionarne organizacije radničke klase.

— Izuzetno sam srećna rekla nam je Fadila što sam prisustvo-vala ovom skupu. Brojna iskustva drugih, bez sumnje, mnogo će nam pomoći u prevazilaženju proble-ma koje imamo u vlastitoj sre-dini. U komisiji u kojoj sam radila posebno je istaknuto da rad mora biti mjerilo odgovornosti, a mora



Vinko Višnjić

se povećati lična odgovornost ko-munista na izvršavanju postavlje-nin zadataka. Bilo je dosta govora i o kadrovskoj politici, te borbi protiv tuđih idejnih shvatanja. Idejna borba u Savezu komunista i društvu u cjelini mora dobiti više mjesta. Neophodno je i dalje unapređivanje sadržaja i metoda idejno-političkog i marksističkog obrazovanja članstva. Tom pitanju se kod nas mora posvetiti mnogo pažnje.

### NAGRAĐIVANJE PREMA RADU

Enes Behlulović bio je član Komi-sije za zadatke SK BiH u daljem razvoju i jačanju socijalističkog samoupravljanja i skladnom druš-tveno-ekonomskom razvoju SR BiH.



Enes Behlulović

— Kongres je nedvosmisleno potvrdio da našu aktivnost mora-mo usmjeriti na brže stvaranje us-lova, u kojima će radnici u OOUR-ima ovladati društvenim dohot-kom i cjelinom reprodukcije. Na taj način oni će biti u položaju da odlučuju o uslovima i rezultatima vlastitoga rada. U ostvarivanju tog zadatka izuzetno mjesto ima udruživanje rada i sredstava na do-hodovnim odnosima na jedinstvenom jugoslovenskom području.

Bitan uslov za ovakvu orijentaciju biće i radikalne promjene u nagra-đivanju prema radu. Adekvatno nagrađivanje proizvodnog rada, naročito onoga koji se odvija pod složenim uslovima, pomoći će nam da privredne tokove usmjeri-mo u željenom pravcu, kaže Beh-lulović.













CITAOCI PISU

IZ LOVAČKOG DRUŠTVA »PALEŽ« — OLOVO

BITKA ZA ZAŠTITU PLEMENITE DIVLJAČI

Ovo društvo danas okuplja 380 članova raspoređenih u 12 sekcija, među kojima je najaktivnija Sekcija Čunište



Avdo Sokolar

Ismet Sokolar

Sprovodeći sva tri programske aktivnosti na uzgoju, unapređenju i zaštiti plemenite divljači na ogromnom prostoru od preko 48 hiljada hektara brdsko-planinskog područja od Karaule do padina Zvijezde, Lovačko društvo Olovo u značajnijim akcijama uspijeva da se poveže i sa susjednim lovačkim društvima, poimence sa lovcima Kladnja i Vareša.

Zahvaljujući takvoj saradnji, u posljednje dvije organizovane hajke pala su tri vuka i četvoro vučadi, štetočine koje su se ove godine pojavile na ovom terenu u nešto većem broju, pričinivši ovdašnjem stanovništvu znatnu materijalnu štetu. Za samo nekoliko dana ove zvijeri su provalile u torove, utamanivši 20-ak ovaca. Pouzdano se, međutim, zna da su ove štetočine stalna prijetnja plemenitoj divljači koje ovdje ima u zavidnom broju — od zeca do srne. Inače, u ovom lovištu zastupljene su razne vrste divljači — do one najkrupnije, kakav je gospodar planinskih šuma medvjed.

Među 380 lovaca, koliko ih okuplja ovisko lovačko društvo, najaktivniji su lovci iz Sekcije Čunište. Upravo se na njihovom nišanu našla vučica, majka četvoro vučadi, koja su takođe postala plijen njihovih ruku. Tačnije — Avde i Ismeta Sokolara, najaktivnijih članova Sekcije. Njima će pripasti i nagrada koju predviđa pravilnik. Najveća im je nagrada, kao uostalom i čitavom Društvu, da se ovim akcijama organizovano pristupa uništavanju štetočina, što predstavlja stalnu obavezu i svim ostalim susjednim društvima, bez čega ne može biti uspjeha ni na području koje pokriva Lovačko društvo »Palež«.

Rešid Bjelić

KONSTITUISANA SKUPŠTINA OSNOVNE ZAJEDNICE ZDRAVSTVENE ZAŠTITE

DRAGO ŽUGIĆ — NOVI PREDSJEDAVAJUĆI

Na vrijeme i po opštoj ocjeni — veoma uspješno, završeni su izbori u Osnovnoj zajednici zdravstvenog osiguranja, čija je Skupština konstituisana 23. aprila. Skupština broji ukupno 33 delegata, a za predsjednika je izabran Drago Žugić, delegat SSG »25. maj«. Više korisnika usluga ima 26 delegata, a Vijeće davalača usluga 7 delegata. Jovo Čumić, penzioner, predsjednik je prvog, a dr Tomislav Mitrović, drugog Vijeća. Kroz izbore je zadovoljena nacionalna, socijalna i starosna struktura, pa Skupština ima 51 posto Muslimana, 42 posto Srba i 4 posto Hrvata. VK, KV i radnika sa srednjom stručnom spremom je 52 posto, sa višim i visokom školom 15, a zemljoradnika 32 posto. U Skupštini je 25 muškaraca i 8 žena.

Ovom prilikom izabran je i izvršni odbor Skupštine sa 9 članova, a predsjednik je Fahrinja Adrović, delegat SO. U Odbor samoupravne radničke kontrole izabrano je 7 članova, a po pet članova nalazi se u komisijama za izbor i imenovanje, praćenje društveno-ekonomskih odnosa u oblasti slobodne razmjene rada, otpis potraživanja i za zdravstvenu zaštitu boraca i vojnih invalida.

N. VASILJEVIĆ

NAJBOLJI U SMOTRI ZNANJA

(Kroz ukrštenicu)

VODORAVNO

1. najbolji plasirani predstavnik prvih razreda na Opštinskom finalu »Titovim stazama revolucije« — Božić, 7. simpatični duh iz TV crtića, 13. dio životinjskog tijela, mn., 14. najbolje plasirani predstavnik petih razreda na Opštinskom finalu »Titovim stazama revolucije« — Bolić, 15. grad u Istri, 17. otac Karla Velikog (... Mali), 18. visinska tačka, 19. stanovnici staroga grada na Peloponezu, 21. gle, eno, pokr. (Glišić), 22. četka, 23. Kibelin svećenik, 24. vrhunski pobjednici u sportu, 27. Zeusova ljubavnica IO, 28. sultanov ukaz, 29. postavka, 31. deveto i dvadeset osmo slovo abecede, 32. narastanje, 34. najbolje plasirani predstavnik osmih razreda na Opštinskom finalu »Titovim stazama revolucije« — Čampara, 36. skr. za: kvalifikovani, 38. bivši nogometni reprezentativac Tomislav, 40. masa slična tijestu (za zube), 43. jedan od prvih organizatora komunističke partije u SAD, novinar DŽON, 45. drzak, osoran, naduven, 47. gora u Grčkoj (Sveta gora), 49. strašno m. ime, 50. inicijali dvaju imena i prezimena sovjetskog novinara, 51. prikladan, 53. državna blagajna, 54. prilog: umalo, zamalo, 55. podvala, neslana šala, 56. liječenje rana, 58. brat (od milja), 59. stanovnik Homeinijeve države, 60. brušnjaka, mn.;

USPRAVNO:

1. vrsta kopče, mn., 2. mudrijaš, 3. ljekarnik, 4 naga, 5. ime glumice Gardner, 6. veznik, 7. bilijarski štap, 8. gorje u srednjoj Evropi, 9. domaća životinja, 10. prstima dodirivati, 11. boginje osvete u starog. mitologiji, 12. narodno m. ime, 16. najbolje plasirani predstavnik sedmih razreda na OF »Titovim stazama revolucije« — Rotić, 19. proizvod pčelinjeg rada, 20. ideolog i organizator Kruševačke Republike, Nikola, 22. divna, 25. jedan od poginulih boraca u bici sa ustaškom grupom ubačenom u planinu Radušu, Stipe, 26. krivostran, prov., 30. prvak, velikaš, tur., 33. breme, 35. omatoriti, 36. produžeci (tijela nekih životinja), 37. najbolje plasirani predstavnik šestih razreda na OF »Titovim stazama revolucije« — Hardomelja, 39. najbolje plasirani predstavnik trećih razreda na OF »Titovim stazama revolucije« — Beatović, 41. dem, od tavan, 42. eskimska kabanica, mn., 44. dalji postupak finalizacije, 46. žestoko piće (engl.), džin, 48. snažan, pun snage, 52. najbolje plasirani predstavnik četvrtih razreda OF »Titovim stazama revolucije« — Đikanović, 53. najbolje plasirani predstavnik drugih razreda na OF »Titovim stazama revolucije« — Karić, 55. 55. lat. veznik: za, 57. deveto i treće slovo abecede, 58. drugo i preposljednje slovo abecede.

S. Paponja



Uredne saobraćajnice — obaveza više

DA GRAD BUDE LJEPŠI

SIGNALIZACIJA ZA SVAKOGA


Nedavno su radnici »Sarajevo-puteva« obilježili sve ulice i parkirališta, i tako nam uljepšali grad. Sada se tačno zna gdje su pješački prelazi, gdje je dozvoljeno parkiranje, gdje je zabranjeno zaustavljanje i

saobraćaj. Od sada ćemo se osjećati mnogo sigurnijim na našim ulicama.

Investitor ovih radova bio je SIZ za stambeno-komunalne djelatnosti.

REPERTOAR KINA ZA JULI

- |         |                      |                        |
|---------|----------------------|------------------------|
| 1.-2.   | Ostrvo gusara        | SAD, akcioni,          |
| 3.-4.   | Peti musketar        | SAD, avanturistički,   |
| 5.-6.   | Ribe ubice           | SAD, avanturistički,   |
| 7.      | Barakuda             | SAD, avanturistički,   |
| 8.-9.   | Aerodrom             | SAD, akcioni,          |
| 10.-11. | Nespretni detektiv   | SAD, krimić,           |
| 12.-13. | Čovjek zvani tigar   | HONG KONG, karate,     |
| 14.     | Ubijanje a la Karte  | SAD, komedija,         |
| 15.-16. | Potjera za Trbosekom | ENGL., krimić,         |
| 17.-18. | Ljubavna priča II    | SAD, ljubavni,         |
| 19.-20. | Grčki brodovlasnik   | ITAL., krimić,         |
| 21.     | Izgubljeni zavičaj   | JUG., drama,           |
| 22.-23. | Skoro će ljeto       | SAD, komedija,         |
| 24.-25. | Surova odmazda       | SAD, krimić,           |
| 26.-27. | Šerif u dolini Nila  | ITAL., avanturistički, |
| 28.     | Ponovo su se sreli   | FRANC., ljubavni,      |
| 29.-30. | Nurlja               | IND., drama.           |



IZDAJE: Centar za kulturu, obrazovanje i informisanje Olovo, Slaviše Vajnara Čiče 23. Telefon (071) 825-479  
 SAVJET ZA INFORMISANJE: Nedžad Bajić (predsjednik), Idriz Pašalić, Miroslav Žugić, Mato Vijačić, Zineta Hadrović, Samojo Žugić, Ljubomir Medić, Rade Pantić, Šefko Jamaković, Dušan Žugić, Fikret Kučanin, Jasmina Jamaković, Asim Karić, Stjepan Bruža.  
 REDAKCIJSKI ODBOR: Ramo Džinić, Vida Gradinčić, Osman Hodžić, Mira Ignjatović, Emin Cerić, Kemala Hodžić, Bogdanka Todorović, Raza Gušić, Zvonimir Đorđević, Stjepan Bruža.  
 GLAVNI I ODGOVORNI UREDNIK: Stjepan Bruža LEKTOR: Srećko Paponja, prof. Tehnički urednik: Nikolić Zoran  
 ŠTAMPA: NIŠRO »Oslobođenje«  
 List izlazi jedanput mjesečno. Tiraž 4.000 primjeraka. List se dostavlja svakom domaćinstvu na opštini — besplatno.